

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Kumbarët e kokainës/ Nga Kolumbia e Ekuadori në Europë, si u trafikuan mbi 50 tonë drogë
ADRESA	https://prapaskena.com/2026/09/28/kumbaret-e-kokaines-nga-kolumbia-e-ekuatori-ne-europe-si-u-trafikuan-mbi-50-tone-droge/
BURIMI	prapaskena.com
GJENDJA	online

KOHA


KAPUR NGA NE	28 shtator 2026, 10:10:27 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	28 shtator 2026, 10:03:52 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	9c5d5b58faf870d902e043018781f19b5ecbbb9c7c912f00b946643588660040
TEKSTI	f76f9dcb9e0b9e2add2e4e842ca25c73476588bcfd1d7b60a0af2949f71d2a0
PAMJA	a047b314db494b854fd2aea2aa3afc2d1349054ba654682d1f7601213f9c964e

ZINXHIRI I PROVËS

KJO HYRJE	d18e9f664404fb0759a6c19e5774f0b56da2763ded37baeee0cda885e025eb41
E MËPARSHMJA	—
RRËNJA MERKLE	abea285c66b625fda61d55a4ce47e92e047f4e5aa34cb0aedb7a5ee71b2cb2e0
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/d18e9f664404fb0759a6c19e5774f0b56da2763ded37baeee0cda885e025eb41>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Kumbarët e kokainës/ Nga Kolumbia e Ekuadori në Europë, si u trafikuan mbi 50 tonë drogë

Kryesore

Publikuar: 28/09/2026

f X



Një rrjet që nisej nga Amerika Latine. Kontejnerë që udhëtonin mijëra kilometra nëpër oqean. Kokainë që hynte në portet e Europës.

Miliona euro që ktheheshin mbrapsht. Dhe në fund të kësaj rruge prona, kompani, vila, hotele dhe pasuri në Shqipëri.

SPAK thotë se pas kësaj strukture qëndronte një emër, **Shpëtim Aliu**.

I njohur në botën e komunikimeve kriminale si **Salvatore**.

Një 51-vjeçar nga Elbasani, i cili për vite me radhë qëndroi larg vëmendjes së publikut, ndërsa sipas hetimeve të SPAK dyshohet se kishte një rol qendror në furnizimin me kokainë të disa grupeve shqiptare.

Më 23 shtator 2026, ai u arrestua në Rusi. Por arrestimi i tij nuk është fundi i historisë. Është momenti kur një prej dosjeve më të mëdha të narkotrafikut ndërkombëtar të hetuara nga SPAK merr një tjetër dimension.

Sepse pas emrit Salvatore, dosja çon te dhjetëra tonë kokainë, te komunikimet e SKY ECC, te grupet kriminale që vepronin në vende të ndryshme të Europës dhe te qindra pasuri të vendosura nën sekuestro në Shqipëri.

Por kush ishte Salvatore? Sa e madhe ishte struktura që dyshohet se drejtonte?

Dhe si mund të kalonte një organizatë e tillë nga kokaina e Amerikës Latine tek pasuritë e paluajtshme në Shqipëri?

Deri tani në dosien e SPAK flitet për të naktën 50 tonë kokainë të

Me të lexuarat

media e vëllezërve Veshaj që i blenë Fidel Yllit për 300 mijë euro, **Bashkëpunëtor / Bashkëpunëtor** fshehje pasurie e pastrim parash, 15 shtëpi në Tiranë, 250

Një flutur tek prokurori i SPAK, personazhet në videot e Gys Agasit (emrat) Të pathënat e jetës së Alket Riza, mes burgjeve të Greqisë dhe arratisjeve

Përkrahja tronditës i Bill Gates: Inteligjenca Artificiale mund të vrasë 1 miliard njerëz

trafikuar dhe miliona euro të pastruara nga këto grupe kriminale që ndërvepronin me njëra-tjetrën.

Më 23 shtator 2026, Shpëtim Aliu, i njohur si Salvatore, arrestohet në Rusi. Operacioni mban emrin "The Wanted" dhe zhvillohet në bashkëpunim mes Interpol Tiranës dhe homologëve rusë.

Për Aliun, GJKKO kishte caktuar më herët masën e sigurisë "arrest në burg", në kuadër të hetimit të SPAK. Ndaj tij rëndojnë katër akuza: Trafikim narkotikësh, pastrim i produkteve të veprës penale, grup i strukturuar kriminal dhe kryerje e veprave penale në kuadër të organizatës kriminale ose grupit të strukturuar kriminal. Policia shqiptare njoftoi se arrestimi në Rusi është bërë me qëllim ekstradimin e tij në Shqipëri.

TRAFIKU I KOKAINËS

Në qendër të një prej hetimeve më të mëdha të SPAK për trafikun ndërkombëtar të kokainës shfaqen 4 emra në veçanti: Shpëtim Aliu, i njohur si Salvatore, Eldi Dizdari, alias Denis Matoshi, Dritan Gjika dhe Armando Pacani.

Katër persona që në dosjen hetimore shfaqen në pika të ndryshme të të njëjtit mekanizëm kriminal. Por rolet e tyre, sipas materialeve në dosje, nuk ishin domosdoshmërisht të njëjta. Aliu paraqitet nga SPAK si një prej figurave qendrore të strukturës: furnizues, organizator dhe financues i ngarkesave të kokainës nga Amerika Latine drejt Europës. Ai ishte pika e lidhjes me furnizimin dhe logjistikën e ngarkesave.

Por për ta kuptuar fuqinë e rrjetit, duhet parë edhe marrëdhënia me tre emrat e tjerë.

Eldi Dizdari, në komunikimet e zbardhura nga SKY ECC, shfaqet duke kërkuar sasi të mëdha kokaine nga Aliu. Jo kilogramë, por tonelata. Në një prej komunikimeve që janë të administruara në dosjen e SPAK, Dizdari i thotë Aliut se kishte tregun gati dhe kapacitetin për të përballuar sasi që arrinin deri në 10 tonë. Sipas raportimeve mbi dosjen, në pak ditë ai kishte transferuar të paktën 8 milionë euro drejt strukturës së Aliut për furnizimin nga Ekuadori.

Me Dritan Gjiken komunikimet tregojnë një marrëdhënie tjetër. Sipas dosjes hetimore, Gjika ishte i lidhur me sigurimin e kokainës në Amerikën Latine, ndërsa Aliu merrej me nxjerrjen e sigurt të ngarkesave nga portet dhe dërgimin e tyre drejt Europës. Në një episod të shtatorit 2020, sipas dosjes, Gjika siguron një ngarkesë prej rreth 1.1 tonësh kokainë, ndërsa Aliu organizon daljen e saj nga Ekuadori. Kur kjo ngarkesë përfundon e sekuestruar në Rotterdam, komunikimet nuk ndërpritën.

Përkundrazi, të dy diskutojnë për ngarkesa të tjera. Madje, në një

komunikim të 7 tetorit 2020, Gjika pyet nese do te kalonin parate për "mallin" në Cali. Përgjigjja e Aliut është e drejtpërdrejtë: "1 milion." Por komunikimet tregojnë edhe diçka tjetër. Jo vetëm trafik, edhe kontroll mbi cilësinë e produktit. Në disa biseda të publikuara, Aliu i ankohet Gjikes për cilësinë e kokainës që kishte mbërritur në Europë. Ankesat vinin nga njerëzit që e shisnin atë në tregun europian. Gjika kërkon të dijë nëse kishte ndonjë detyrim financiar për t'u shlyer. Në një tjetër komunikim, Aliu i kërkon Gjikes të kontrollojë mënyrën e prodhimit, pasi një pjesë e "mallit" kishte dalë e dëmtuar.

Një tjetër emër që del në këtë rrjet është Armando Pacani. Dhe lidhja me Salvatore Aliun nuk mbetet vetëm në nivelin e një emri të përfshirë në të njëjtën dosje. Sipas komunikimeve të analizuara nga SPAK në platformën SKY ECC, Aliu, Eldi Dizdari dhe Armando Pacani përdornin kode të identifikuara nga hetuesit dhe komunikonin në lidhje me një ngarkesë prej rreth 700 kilogramësh kokainë. Bëhet fjalë për një episod të 11 majit 2020, kur droga u sekuestrua në portin Waasland të Antwerp-it, e fshehur në një kontejner me pjesë këmbimi automjetesh. Sipas materialeve të publikuara mbi dosjen, ky episod është një nga rastet ku emri i Pacanit shfaqet në komunikimet që lidhen me rrjetin e Salvatore Aliut. Pacani, ndërkohë, del në hetim edhe për ngarkesa të tjera të kokainës nga Amerika e Jugut drejt Europës. Ky nuk është një përshkrim i një organizate të provuar me vendim përfundimtar gjyqësor, por mënyra se si rolet dalin nga materialet hetimore të publikuara deri tani. Dhe pikërisht kjo e bën marrëdhënien mes tyre të rëndësishme. Lidhen me hallka të ndryshme të të njëjtit aktivitet: sigurimi i kokainës, financimi, transporti, nxjerrja nga porti dhe dërgimi në Europë.

Një zinxhir që, sipas hetimit, nuk përfundonte me drogën. Në fund të tij ishin milionat. Dhe pas milionave pasuritë në Shqipëri.

HETIMI QË NISI NË SHQIPËRI

SPAK e ka filluesën e këtij procedimi në një referim të Policisë së Shtetit në maj të vitit 2020. Hetimi më pas do të zgjerohej përtej Shqipërisë. Në Amerikën Latine, Belgjikë, Holandë, Francë, Mbretëri e Bashkuar dhe Shqipëri.

Sipas SPAK, Salvatore Aliu nuk ishte thjesht një person që shiste drogë. Dyshimi i prokurorëve ishte se ai kishte një rol shumë më lart në hierarki, ishte furnizues, organizator dhe financues i ngarkesave. Në këtë skemë, sipas dosjes së SPAK, grupet shqiptare nuk do të ishin domosdoshmërisht një organizatë e vetme me një strukturë tradicionale. Ato do të funksiononin si një rrjet. Grupe të ndryshme, persona të ndryshëm, vende të ndryshme, por me një burim furnizimi që, sipas hetimeve, lidhej me Salvatore Aliun.

Sipas SPAK, gjatë periudhës 2019–2021, rrjeti dyshohet se ka trafikuar të paktën 50 tonë kokainë nga Amerika Latine drejt Europës. Por këtu duhet bërë një dallim i rëndësishëm. SPAK raportohet se ka dokumentuar konkretisht pesë episode. Në këto pesë episode janë sekuestruar gjithsej rreth 8 tonë e 960 kilogramë kokainë.

Pjesa tjetër e shifrës prej 50 tonësh i referohet trafikut që hetuesit dyshojnë se është kryer gjatë periudhës së hetuar:

Më 11 maj 2020, në Antwerp, sekuestrohet 700 kilogramë kokainë, që ishte fshehur në një kontejner me pjesë këmbimi automjetesh. Më 6 qershor 2020, në Guayaquil, në Ekuador, kapen 2 tonë e 10 kilogramë kokainë që kishte si destinacion Holandë. Më 16 gusht 2020, në Rotterdam kapet 1.1 tonë kokainë. Ndërsa më 16 dhjetor 2020, po në Rotterdam, kapet edhe një sasi tjetër, 4.1 tonë. Më 3 shkurt 2021, në Kolumbi kapet 1 ton e 50 kilogramë kokainë.

Pothuajse nëntë tonë kokainë të sekuestruar. Dhe sipas SPAK, dhjetëra tonë të tjera që dyshohet se kanë kaluar pa u kapur.

Një nga elementët më të rëndësishëm të hetimit janë komunikimet e enkriptuara të SKY ECC. Sipas materialeve që përmban dosja e SPAK, komunikimet janë siguruar përmes bashkëpunimit ndërkombëtar dhe letër-porositë. Dhe pikërisht këtu hetuesit pretendojnë se kanë gjetur mënyrën se si funksiononte mekanizmi.

Jo thjesht: “Ka ardhur droga.” Por edhe sa ishte sasia, nga ku ishte nisur, me çfarë kontejneri, në cilin port, si do të ndahej dhe kush do ta merrte. Në një nga komunikimet e publikuara,

Salvatore Aliu dhe Feli Dierckx diskutuan në një mesazh të

Salvatore Anu dhe Eidi Dizdari diskutojnë për një ngarkesë prej rreth 6 tonësh. Dizdari kërkon që një pjesë të jetë në kontejnerë frigoriferikë dhe pjesa tjetër në kontejnerë të zakonshëm. Destinacioni transit përmendet Antwerp-i.

Këto nuk janë më thjesht biseda për drogë. Nëse përmbajtja e komunikimeve është interpretuar saktë nga hetuesit, ato tregojnë një nivel planifikimi ku diskutohet edhe mënyra e organizimit të ngarkesës dhe transportit të saj.

Ndërsa territori nga ku kalonte kokaina, ashtu siç përshkruhet në dosje është: Ekuador, Kolumbi, Belgjikë, Holandë, Francë,

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.